

過未現在三世中 彼諸真實法成就

此佛所說觀自在法門

大明勝智出生教理 十二末

依法一誦於大明 諦意相應而解了

過未現在三世中 彼金剛語如所得

如上為一切儀軌中勝智出生教理

佛說一切如來真實攝大乘現證三昧大教

王經卷第二十九 碑九

佛說一切如來真實攝大乘現證三昧大教

王經卷第三十 碑十

西譯經三藏朝奉大夫試光祿卿傳法師龍藏沙門臣施護等奉詔譯

一切如來真實攝一切儀軌勝上教理分第

二十六之三

復次宣說諸部通用秘密身語心金剛印成

就教理

此中先說如來部秘密身印成就教理頌曰

隨處依法而安坐 作加跌相求成就

如其所畫順修習 即得大士法成就

此佛所說金剛薩埵法門

金剛部秘密身印成就教理

金剛步相依法作 如其所畫順修習

求成就起忿怒時 此中成就無疑惑

此佛所說金剛降三世法門

蓮華部秘密身印成就教理

當作金剛加跌相 二手結彼金剛縛

三摩地身依法成 當作蓮華出生法

此佛所說蓮華薩埵法門

寶部秘密身印成就教理

行人或住或安坐 或復隨處而經行

以金剛寶灌頂門 作成就事無疑惑

此佛所說金剛藏法門

如來部秘密語印成就教理

依法不動於舌端 復以唇齒二相合
以金剛語微出聲 持誦能作諸成就

此佛所說金剛語法門

金剛部秘密語印成就教理

作雲雷吼稱呌字

震發威怒甚深語

忿怒破壞大金剛

此即忿怒語成就

此佛所說金剛降三世法門

蓮華部秘密語印成就教理

當止微細出入息

發微妙語極煥明

一切依此持誦時

成就三摩地智藏

此佛所說一切如來三摩地智藏法門

寶部秘密語印成就教理

發彼極妙煥明語

復常敬禮最上尊

如應持誦依法儀

一切所作速成就

此佛所說一切如來供養廣大羯磨法門

如來部秘密心印成就教理

世尊常以妙欲法

普施一切有情樂

金剛薩埵廣大身

此中觀想速成就

碑十

二

此佛所說妙欲法門

金剛部秘密心印成就教理

為利一切有情故

設彼調伏諸惡法

令於佛教作護持

乃說忿怒成就事

此佛所說一切如來金剛降三世法門

蓮華部秘密心印成就教理

如其蓮華本無染

彼依止處即妙愛

我此妙愛淨亦然

即得妙愛法成就

此佛所說蓮華妙愛法門

寶部秘密心印成就教理

何等隨順諸有情

謂令成就一切事

雨眾寶雨悉周圓

如應一切速成就

此佛所說虛空藏法門

如來部秘密金剛印成就教理

行人或住或安坐

或復隨處而經行

左手結印依法儀

一切所作皆成就

此佛所說一切如來秘密金剛手法門

金剛部秘密金剛印成就教理

行人隨處依法住 隨處如應諸所作

金剛忿怒指印成 以衣蓋覆作成就

此佛所說一切如來金剛忿怒王法門

蓮華部秘密金剛印成就教理

蓮華拳印左手結 復當蓋覆其手印

隨處成結法相應 速得蓮華法成就

碑十

三

此佛所說觀自在法門

寶部秘密金剛印成就教理

左手當結寶雨印 是印復當以蓋覆

隨處所作依本儀 如應即得寶成就

此佛所說虛空藏法門

如上為諸部通用秘密身語心金剛印成

就教理

復次宣說諸部通用秘密金剛薩埵印

依彼大印勝法用 大尊薩埵三摩地

作金剛視金剛語 速得最上成就法

此佛所說一切如來金剛薩埵法門

今時具德金剛手菩薩摩訶薩白一切如來

言世尊如來我此法儀唯願如來加持所行
時一切如來即復雲集成共稱讚金剛手菩
薩摩訶薩頌曰

金剛薩埵善哉者 金剛大寶復善哉

善哉金剛妙法門 善哉金剛勝羯磨

能善宣說此正法 無上金剛秘密乘

一切如來秘密門 大乘現證法中攝

今時金剛手菩薩摩訶薩即從座起以一百

八名稱讚勸請一切如來頌曰

大金剛界大薩埵 利益有情最上主

具大智慧釋迦王 稽首歸命金剛身

勇猛出生真實利 作有情因大理想

大士勝利勝業成 歸命薩埵中薩埵

具諸佛法廣大法 善轉一切法輪者

大語最上極妙明 稽首歸命大真實

作大羯磨大加護 一切羯磨成就者

大勇最上大行尊 歸命薩埵正因王

已得一切波羅蜜 智一切智知覺者

一切有情大方便
 具大悲心勝最上
 廣施一切大慈心
 釋迦師子大能仁
 通達世俗大調伏
 平等已達大法界

碑十

四

金剛尊復廣大尊
 為大光明大照曜
 大勇最極勝勇猛
 大梵世尊自然生
 具一切身淨牟尼
 無身現身最上身

具一切身廣大身
 無語現語最上語
 具一切語妙大語
 無心現心最上心
 具一切心大金剛
 無金剛現彼金剛

清淨廣大眾金剛
 勝出三有徧觀察
 為三界中大法王
 如來一百八名號
 或讀或誦發至誠
 我今勸請佛聖尊

從大悲心所出生
 廣大法輪此應轉
 爾時世尊大毗盧遮那如來聞彼一切如來
 增上主宰金剛手菩薩摩訶薩勸請語已即
 白一切如來言唯願如來攝受所行時一切
 如來即復雲集說此頌曰
 為利一切有情故 一切世界一切處

碑十

五

所應調伏眾相門 此大法輪隨宜轉
 說是頌時所有一切佛刹一切世界普徧一
 切方處一切有情悉見一切如微塵量曼拏
 羅中世尊釋迦牟尼如來各住其前轉妙法
 輪
 爾時金剛手菩薩摩訶薩即說頌曰

爲利一切有情故 一切世界一切處
所應調伏衆相門 大金剛輪隨宜轉
說是頌時所有一切佛刹一切世界普徧一
切方處一切有情悉見一切如微塵量曼拏
羅中卅尊金剛界如來各住其前轉金剛界
等一切金剛輪

尔時降三世菩薩摩訶薩說此頌曰
爲利一切有情故 一切世界一切處
所應調伏衆相門 大忿怒輪隨宜轉
說是頌時所有一切佛刹一切世界普徧一
切方處一切有情悉見一切如微塵量曼拏
羅中卅尊降三世如來各住其前轉一切如

來大忿怒輪
尔時聖觀自在菩薩摩訶薩說此頌曰
爲利一切有情故 一切世界一切處
所應調伏衆相門 淨蓮華輪隨宜轉
說是頌時所有一切佛刹一切世界普徧一
切方處一切有情悉見一切如微塵量曼拏

羅中卅尊法王如來各住其前轉蓮華輪
尔時聖虛空藏菩薩摩訶薩說此頌曰
爲利一切有情故 一切世界一切處
所應調伏衆相門 大妙寶輪隨宜轉
說是頌時一切佛刹中所住一切有情若細
若大一切方面皆悉見彼一切如來在須彌

山頂金剛摩尼寶峯大樓閣中處于一切如
來師子座上轉金剛界等一切法輪
尔時金剛手菩薩摩訶薩說此頌曰
聖尊爲利有情故 自身所行大方便
最勝現降於人間 大金剛輪隨宜轉
尔時卅尊大毗盧遮那如來復白一切如來
碑十 六

言卅尊如來願復雲集攝受所行是時一切
如來等即復雲集從卅尊大毗盧遮那如來
心入時卅尊大毗盧遮那如來以一切如來
身語心金剛身悉開覺已告金剛手菩薩摩
訶薩言善男子我此心中一切如來及彼一
切金剛部曼拏羅皆悉從我心中而入汝今

亦然從我心入

尔時金剛手菩薩摩訶薩如佛言教隨了知已說此頌曰

為利一切有情故 徧一切處我所行

一切諸佛入心中 於身語心金剛住

說是頌時普徧一切世界極微塵量等一切

佛刹彼彼現任一切如來一一如來悉現充

滿一切世界極微塵量廣大身相皆從世尊

大毗盧遮那如來心入

時金剛手菩薩摩訶薩同彼一切如來及世

尊大毗盧遮那如來混一切身轉一切語攝

一切心種子相續一切身分一切分位一切

相好一切毛孔出生極微塵量一切曼拏羅

乃至一切金剛教等從心入已如理而住

尔時世尊現成正覺其未久間以一切如來

身語心金剛於一切如來身自開覺已從須

彌山頂詣菩提場到已即於菩提樹下隨順

世間轉其化事執吉祥草說此頌曰

碑十

七

大哉最上自利已

廣利有情一切教

所應調伏勤勇因

破彼邪外非見者

世間所有不調伏

一切暗冥諸惡見

智光清淨大利圓

此中如應得成佛

說是頌時欲界諸天不了世尊此真實語即

作是言今此沙門何故乃能為求菩提作是

難事捍伏疲勞忍受諸苦

尔時世尊即於是處敷草坐已告彼天言汝

天聖者依我所行宜應施我大菩提果時欲

界諸天亦復不能解佛所說即時俱詣帝釋

天主所到已於天主前具陳上事是時帝釋

天主即與欲界諸天主眾共詣色界天主大

梵天王所復陳上事相與言議時大梵天王

與欲界色界諸天主眾并一切三界增上主

宰大自在天共議斯事是時大自在天即告

普盡三界增上主宰那羅延天等一切天主

言汝天聖者當知如來應供正等正覺隨順

世間轉其化事現成阿耨多羅三藐三菩提

果勿謂人趣及天趣攝是故當知雖復生天
天中所成畢竟不能證成佛果彼善所行我
等宜應同往供養時大自在天等諸天主衆
尋即共詣大菩提場世尊如來所坐之處到
已頭面禮世尊足前白佛言世尊如佛教勅
我等依行唯願世尊悲愍攝受復請世尊起

於草座受我所獻微妙勝座於其座上證成
阿耨多羅三藐三菩提果

尔時世尊告諸天主言汝天聖者依我所行
即當施我阿耨多羅三藐三菩提果諸天王
白佛言世尊非我所能施佛菩提若我有其
力能我等豈不自證佛菩提果

尔時世尊爲令了知如是義故即說頌曰

當知非色非無色 非實非虛亦非淨

此佛菩提大智門 實開覺已得成佛

彼諸天主等於須臾間默然而住

是時世尊從草座起復告諸天主言諸天聖
者汝能開曉此佛智不諸天主等白佛言世

碑十

八

尊我等不能開曉佛智

尔時世尊處于勝座復說頌曰

淨意如應所開覺 大菩提心堅固生

如理觀想於佛身 金剛薩埵堅固作

時諸天主等俱白佛言如佛教勅我如是行
言已即時悉離佛會

尔時世尊於其晝夜隨順世間轉諸化事降
伏魔軍成阿耨多羅三藐三菩提果已於普
盡無餘諸有情界廣爲利樂一切有情諸所
作成普攝皆於自心而住即以一百八名讚
歎金剛手菩薩摩訶薩頌曰

金剛薩埵大薩埵 無上大乘大主宰

廣大清淨大光明 稽首歸命大尊勝

聖金剛王大金剛 金剛一切諸如來

廣大精進大勇尊 稽首歸命大方便

金剛妙愛大清淨 一切悅樂大妙樂

無始無終勝樂門 稽首歸命廣大欲

金剛善哉大歡喜 如理作善勝喜悅

廣大歡喜大喜王

稽首歸命極勝喜

秘密供養大供養

稽首歸命佛供養

金剛妙寶大自在

自部灌頂大主宰

金剛加護大勝鎧

最上甲冑大堅固

具一切寶大善明

稽首歸命勝莊嚴

廣大真實大護門

稽首歸命覺精進

金剛威光大光曜

廣大光明大明照

金剛吞伏大忿怒

警怖一切邪惡者

具大熾盛勝光明

稽首歸命佛光相

一切佛大方便門

稽首歸命勝牙相

金剛寶幢大高顯

為大勝幢施財者

大金剛拳大印契

大三昧縛勝縛者

碑十

九

具大寶杖虛空幢

稽首歸命施幢相

勝妙印契大智拳

歸命金剛勝拳相

作金剛笑大笑相

具大慶悅大喜者

瞻禮恭敬及供養

彼諸如來常所作

最勝喜樂喜迅行

稽首歸命大法喜

無始無終法門中

大善提心汝所說

金剛勝法大妙法

具一切法善淨者

汝為諸佛勝依止

即諸菩薩大勇猛

為諸佛法勝法門

稽首歸命妙愛法

於彼過去未來生

為佛菩提最勝因

即大智劍金剛利

大慧復為智慧者

歸命金剛大薩埵

歸命金剛大妙寶

為大利器斷罪門

稽首歸命佛利劍

歸命金剛正法門

歸命金剛勝羯磨

金剛表刹廣大輪

為諸佛輪大伏藏

我所稱讚汝勝名

金剛自性故頂禮

一切吉祥勝法門

稽首歸命法輪因

所生福聚施有情

願當得佛菩提果

金剛妙語大語聚

離戲論語大文字

若人正心而稱念

最上一百八名號

無文字中大誦持

稽首歸命佛真語

或但一稱發至誠

是人當得諸佛果

金剛羯磨妙勝業

善作事業大羯磨

此佛所說覺智法門

尔時一切如來異口同音讚歎金剛手菩薩
摩訶薩頌曰

金剛薩埵善哉者 金剛大寶復善哉

善哉金剛妙法門 善哉金剛勝羯磨

能善宣說此正法 無上金剛秘密乘

一切如來秘密門 大乘現證法中攝

佛說此經已一切如來并諸菩薩摩訶薩衆
聞佛世尊及金剛手菩薩摩訶薩所說皆大
歡喜信受奉行

十末

佛說一切如來真實攝大乘現證三昧大教
王經卷第三十 碑十

此經一部梵本四千頌譯成三十卷摠
二十六分自第一分至第五分終並大
乘現證三昧攝第六分至第十四分終
並金剛三昧攝第十五分至第十八分
終並法三昧攝第十九分至第二十二
分終並羯磨三昧攝自下四分並諸部

秘密教理所攝起